


БАТЛАВ

МОНГОЛ УЛСЫН ШАДАР САЙД
ЗАМ, ТЭЭВРИЙН ХӨГЖЛИЙН САЙДЫН
ҮҮРГИЙГ ТҮР ОРЛОН ГҮЙЦЭТГЭГЧ



Ө.ЭНХТҮВШИН

АЖИЛ, ҮЙЛЧИЛГЭЭГ ХАРИУЦУУЛАН ГҮЙЦЭТГҮҮЛЭХ ГЭРЭЭ

2018 оны ~~09~~ дугаар
сарын ~~14~~-ны өдөр

Дугаар 169

Улаанбаатар
хот

Монгол Улсын Зам, тээврийн хөгжлийн сайдын “Гэрээгээр гүйцэтгүүлэх ажил, үйлчилгээний жагсаалт батлах тухай” 2016 оны 76 дугаар тушаалыг үндэслэн нэг талаас Зам, тээврийн хөгжлийн яамыг төлөөлөн тус яамны Төрийн нарийн бичгийн даргын үүргийг түр орлон гүйцэтгэгч Р.Мэргэн (цаашид “яам” гэх), нөгөө талаас “Автотээврийн үндэсний төв” Төрийн Өмчит Үйлдвэрийн Газрыг төлөөлөн тус үйлдвэрийн газрын захирал П.Дэлгэрнаран (цаашид “Үйлдвэрийн газар” гэх) нар дор дурдсан нөхцөлөөр харилцан тохиролцож, энэхүү гэрээг байгуулав.

Нэг. Нийтлэг үндэслэл

1.1. Энэхүү гэрээний зорилго нь Захиргааны ерөнхий хуулийн 52 дугаар зүйлийн 52.1, 52.2.2 дахь хэсэг, Монгол Улсын Засгийн газрын тухай хуулийн 20 дугаар зүйлийн 5 дахь хэсгийн 11-д заасан Зам, тээврийн хөгжлийн сайдын эрхлэх асуудал болон Автотээврийн тухай хуулийн 6 дугаар зүйлд заасан автотээврийн асуудал эрхэлсэн төрийн захиргааны төв байгууллагын бүрэн эрхээс зарим чиг үүргийг “Автотээврийн Үндэсний Төв” төрийн өмчит үйлдвэрийн газраар гэрээний үндсэн дээр шилжүүлэн гүйцэтгүүлэх, түүний хэрэгжилтэд шууд хяналт тавьж ажиллахад оршино.

1.2. Энэхүү гэрээг 20 ~~18~~ оны ~~09~~ дугаар сарын ~~14~~-ний өдрөөс 20 ~~18~~ оны ~~12~~ дугаар сарын ~~31~~-ний өдрийг хүртэл хугацаагаар байгуулав.


1.3. Талууд автотээврийн асуудал эрхэлсэн Засгийн газрын гишүүний хуулиар олгогдсон бүрэн эрхийг харилцан хүндэтгэх замаар хамтын ажиллагааг хэрэгжүүлнэ.

Хоёр. Гэрээгээр гүйцэтгүүлэх ажил, үйлчилгээний чиглэл

2.1. Монгол Улсын Зам, тээврийн хөгжлийн сайдын 2016 оны 76 дугаар тушаалын 1 дүгээр хавсралтад заасан ажил, үйлчилгээг энэхүү гэрээний үндсэн дээр эрхлэн гүйцэтгэнэ.

Гурав. Яамны хүлээх эрх, үүрэг

3.1. Яам нь дараах эрх, үүрэгтэй:



3.1.1. Эдийн засаг, нийгмийн хөгжлийн өсөлтийг хангахуйц автотээврийн салбарын хөгжүүлэх бодлого, төлөвлөгөө, төсөл, хөтөлбөр боловсруулах, шинэ техник, технологи туршихад чиглэсэн судалгаа хийхэд шаардлагатай мэдээлэл авах эрхтэй;

3.1.2. Ажил үйлчилгээг хариуцан гүйцэтгүүлэх энэхүү гэрээг хэрэгжүүлэх тухай үйл ажиллагааны төлөвлөгөө баталж, хэрэгжилтийг хангуулах эрхтэй;

3.1.3. Энэхүү гэрээнд заасан ажил үйлчилгээний талаарх статистик мэдээлэл болон тээвэрлэлтийн ажил үйлчилгээний орлого, зардлыг багтаасан санхүүгийн тайлан балансын мэдээллийг авах эрхтэй;

3.1.4. Тээврийн хэрэгслийн бүртгэл, техникийн хяналтын үзлэгийн мэдээллийн санд хяналт тавих, шаардлагатай тохиолдолд тодорхой хязгаарлалт хийх эрхтэй;

3.1.5. Гэрээгээр хэрэгжүүлж буй ажил үйлчилгээний хэрэгжилтэд хяналт тавих, гэрээгээр хүлээсэн үүргээ хангалтгүй биелүүлсэн тохиолдолд гэрээг хэсэгчлэн болон бүхэлд нь цуцлах, хүчингүй болгох өөрчлөх;

3.1.6. Автотээврийн салбарын хууль тогтоомж, Монгол Улсын Засгийн газрын 2016-2020 оны үйл ажиллагааны хөтөлбөр, Монгол Улсын эдийн засаг, нийгмийн хөгжүүлэх үндсэн чиглэлд автотээврийн чиглэлээр тусгагдсан бодлого, зорилтот арга хэмжээ болон хуулиар олгогдсон Сайдын эрхлэх асуудлын хүрээний зорилт, чиг үүргийг хэрэгжүүлэхэд чиглэсэн үйл ажиллагааг бодлогын удирдамжаар хангаж, мэргэжил арга зүйн болон цаг үеийн шуурхай зөвлөгөө, дэмжлэг үзүүлэх;

3.1.7. Эдийн засаг, нийгмийн хөгжлийн өсөлтийг хангахуйц автотээврийн салбарыг хөгжүүлэх бодлого, төлөвлөгөө, төсөл, хөтөлбөр боловсруулж, бодлогын удирдамжаар хангаж ажиллах;

3.1.8. Автотээврийн салбарын эрх зүйн орчинг боловсронгуй болгож, хууль тогтоомжийн хэрэгжилтийг хангуулах;


3.1.9. Эрхлэх асуудлын хүрээнд тусгагдсан зорилт, арга хэмжээний хэрэгжилтийн байдалд хяналт, шинжилгээ хийх, үр дүнг тооцож, хэрэгжилтийн байдлыг тодорхой шалгуураар тодорхойлж, үнэлэх;

3.1.10. Автотээврийн салбарын албан ёсны статистик мэдээллийн үнэн зөв байдлыг хянах;

3.1.11. Улс хоорондын тээвэрлэлтийн чиглэл тогтоох, өөрчлөх, үйлчилгээний жишиг тарифыг тогтоох;

3.1.12. Хот хоорондын ачаа, нийтийн тээвэрлэлтийн чиглэлийг тогтоох, өөрчлөх, жишиг тарифыг тогтоох;

3.1.13. Үйлдвэрийн газрын санал болгосоноор мэргэшсэн жолоочийн шалгалт авах комиссыг томилох;



3.1.14. Автотээврийн хэрэгслийн бүртгэл хөтлөх, мэргэшсэн жолоочийн шалгалт авах, үнэмлэх олгох, автотээврийн хэрэгсэлд техникийн хяналтын үзлэг хийх, авто үйлчилгээний байгууллагад ангилал тогтоох, мэдээлийн нэгдсэн санг эрхлэн хөтлөх, улс, хот хоорондын болон аймаг, орон нутгийн ачаа, зорчигч, жуулчин, шуудан тээвэрлэлтийг зохион байгуулахад мэргэжил арга зүйн зөвлөгөө, дэмжлэг үзүүлэх;

3.1.15. Улс хоорондын тээврийн хил нэвтрэх зөвшөөрлийн бичгийн хэвлүүлэлт, зарцуулалтад хяналт тавих;

3.1.16. Тээврийн хэрэгслийн болон техникийн хяналтын үзлэгийн гэрчилгээгээр хангах, зарцуулалтад хяналт тавих;

3.1.17. Энэхүү гэрээний үүргийн биелэлтэд шууд хяналт тавих;

3.1.18. Хуулиар олгогдсон бусад эрх, үүрэг;

Дөрөв. Үйлдвэрийн газрын хүлээх эрх үүрэг

4.1. Үйлдвэрийн газар нь дараах эрх, үүрэгтэй:

4.1.1. Монгол Улсын холбогдох хууль, тогтоомж, дүрэм, журам, стандарт болон салбарын яамнаас гаргасан тушаал, шийдвэрийн хэрэгжилтийг хангах;


4.1.2. Автотээврийн салбарын хууль тогтоомж, Монгол Улсын Засгийн газрын 2016-2020 оны үйл ажиллагааны хөтөлбөр, төлөвлөгөө, Монгол Улсын эдийн засаг, нийгмийг хөгжүүлэх үндсэн чиглэлд автотээврийн чиглэлээр тусгагдсан бодлого, зорилтот арга хэмжээ болон Сайдын эрхлэх асуудлын хүрээний зорилт, чиг үүргийг хэрэгжүүлэхэд чиглэсэн үйл ажиллагаанд хууль тогтоомжийн хүрээнд дэмжлэг тусалцаа үзүүлэх;

4.1.3. Ажил үйлчилгээг хариуцан гүйцэтгүүлэх энэхүү гэрээг хэрэгжүүлэхдээ яамны үйл ажиллагааны төлөвлөгөөтэй уялдсан "үйлдвэрийн газар"-ын үйл ажиллагааны төлөвлөгөөг боловсруулан Зам, тээврийн хөгжлийн сайдаар батлуулж, хэрэгжилтийг хангах;

4.1.4. Статистикийн тухай хуулийн 18 дугаар зүйл, 19 дүгээр зүйлд заасны дагуу гэрээгээр гүйцэтгэж буй ажил үйлчилгээний талаарх статистик мэдээллийг гаргах;

4.1.5. Эдийн засаг, нийгмийн хөгжлийн бодлого болон автотээврийн салбарыг хөгжүүлэх бодлого, төлөвлөгөө, төсөл, хөтөлбөр боловсруулах шинэ техник, технологи туршихад чиглэсэн судалгаа хийх, мэдээллээр хангах;

4.1.6. Гэрээгээр гүйцэтгэх ажил, үйлчилгээний хэрэгжилтийг мэргэжлийн чадварлаг, цомхон хүний нөөцийг бүрдүүлэн иргэдэд хүртээмжтэй, аюулгүй шуурхай, шат дамжлага багатай байдлаар зохион байгуулах.



4.1.7. Орон нутагт автотээврийн ажил үйлчилгээг хариуцан гүйцэтгэхдээ тухайн аймгийн Засаг даргатай хамтран ажиллах гэрээ байгуулах, гэрээний хэрэгжилтийг хангах;

4.1.8. Орон нутаг дахь салбарын үйл ажиллагааг мэргэжил, арга зүйн удирдлагаар хангах, дэмжлэг үзүүлэх, ажлын уялдаа холбоог хангах;

4.1.9. Хилийн боомтын нэвтрэн өнгөрүүлэх чадварт нийцүүлэх улс хоорондын тээвэрлэлтийг зохион байгуулах, оновчтой хувилбар боловсруулах, хил нэвтрэх зөвшөөрлийн бичиг олгох;

4.1.10. Логистикийн үйлчилгээг хөгжүүлэх замаар дотоодын ачаа тээврийн үйлчилгээг шуурхай, хүртээмжтэй, хямд хүргэх боломжийг судалж эхлүүлэх;

4.1.11. Улс, хот хоорондын нийтийн зорчигч тээврийн үйлчилгээ эрхлэгчийг сонгон яамтай зөвшилцөн гэрээ байгуулан батлагдсан тээвэрлэлтийн чиглэл, үйлчилгээний давтамж, цагийн хууваарийн дагуу үйлчилгээг зохион байгуулах;

4.1.12. Улс, хот хоорондын нийтийн тээврийн үйлчилгээг иргэдэд шуурхай, хүртээмжтэй хүргэх, тухайн маршрутын дагуу сум, суурин газар бүрт үйлчилгээг хүргэх, зөвхөн стандартын шаардлага хангаж буй авто замын дагуух үйлчилгээний байгууламжаар дамжуулан үйлчилгээг зохион байгуулах;

4.1.13. Тээврийн хэрэгслийн бүртгэлийн үйл ажиллагааг иргэдэд шуурхай хүргэх, шинэ техник, технологи нэвтрүүлэх, цахимжуулах, бүртгэлтэй холбоотой үйлчилгээг цахимаар үзүүлэх;

4.1.14. Мэргэшсэн жолоочийн шалгалт авч үнэмлэх олгох үйл ажиллагааг боловсронгуй болгох, мэргэшсэн жолоочийн мэдээллийн нэгдсэн санг бүрдүүлэх;


4.1.15. Авто үйлчилгээний байгууллагуудад ангилал тогтоох үйл ажиллагааг зохион байгуулан, мэдээллийн нэгдсэн санг бүрдүүлэн ажиллах;

4.1.16. Техникийн хяналтын үзлэгийг холбогдох журам, стандарт, технологийн картын дагуу чанартай гүйцэтгэх, иргэдэд зөвлөн туслах үйлчилгээг үзүүлэх, техник, технологийн шинэчлэлийг үе шаттай хийх;

4.1.17. Олон улсын гэрээ хэлэлцээр байгуулах, нэгдэн орохтой холбоотойгоор судалгаа, шинжилгээ хийх, бодлого, төлөвлөгөө боловсруулахад хамтран ажиллах;

4.1.18. Автотээврийн ажил үйлчилгээнд тавих төрийн хяналтыг тус яамтай байгуулсан “Автотээврийн хяналтыг хамтран хэрэгжүүлэх” гэрээний дагуу хэрэгжүүлж;

4.1.19. Засгийн газрын 2012 оны 146 дугаар тогтоолоор батлагдсан “Замын хөдөлгөөний аюулгүй байдлыг хангах үндэсний стратеги” /2012-2020/-г хэрэгжүүлэх төлөвлөгөө болон хөдөлгөөний аюулгүй байдлыг хангах чиглэлээр өөрийн эрхэлсэн ажлын хүрээ, харьяа нутаг, дэвсгэрийн хэмжээнд холбогдох ажлыг зохион байгуулан ажиллах, хэрэгжилтийг 6, 12 дугаар сарын 15-ны дотор багтааж замын хөдөлгөөний аюулгүй байдлыг хангах Үндэсний хороонд хүргүүлэх;



4.1.20. Харьяа салбар, төвүүд болон тээвэрлэгч аж ахуйн нэгжүүдийг тээвэрлэлтийн үйл ажиллагааны программ хангамжийн нэгдсэн сүлжээнд холбогдох боломжоор хангах;

4.1.21. Иргэдэд тээврийн үйлчилгээг хүртээмжтэй хүргэх үүднээс зорчигчийн ачаа тээшний хэмжээг тогтоох жин хэмжүүр, тээш хадгалах зориулалтын байрыг бий болгох тээшний тасалбар олгох зэрэг олон улсын жишигт нийцсэн үйлчилгээг зохион байгуулах;

4.1.22. Монгол Улсын Засгийн газар, БНХАУ-ын Засгийн газар хоорондын Автотээврийн хэлэлцээр, автотээврийн төлөөлөгчдийн ээлжит уулзалтын протоколыг хэрэгжүүлэх ажлыг зохион байгуулах, үр дүнг хагас, бүтэн жилээр тайлагнах;

4.1.23. Авто буудал, техникийн хяналтын үзлэгийн төвийн барилгыг тухайн жилийн зорилтод түвшинд суулгаж батлуулан хэрэгжилтийг хангаж ажиллах;

4.1.24. Гэрээний үндсэн дээр хариуцуулан гүйцэтгэх ажил үйлчилгээг шуурхай зохион байгуулах нөхцөл боломжийг хангуулах зорилгоор бусад холбогдох эрх зүйн акттай уялдуулж дүрэм, журам, стандартыг шинээр боловсруулах, шинэчлэн сайжруулах чиглэлээр санал хүсэлт гаргах, холбогдох дээд шатны байгууллагаар шийдвэрлүүлэх;

4.1.25. Үйлдвэрийн газрын мэргэжлийн хүний нөөцийг бүрдүүлэн ажиллах, тэдний чадавхийг сайжруулах чиглэлээр шаардлагатай сургалтад хамруулах, дэмжлэг үзүүлэх, туршлага судлуулах ажлыг зохион байгуулах, ажлын гүйцэтгэлд хяналт тавих;

4.1.26. Яамнаас шилжүүлж буй зарим чиг үүрэг, эрхийг бусад этгээдэд шилжүүлэхийг хориглох бөгөөд мэргэжлийн төрийн бус байгууллага, аж ахуйн нэгж байгууллагатай хамтран ажиллах замаар хэрэгжүүлж болно;

Тав. Талуудын хүлээх хариуцлага

5.1. Талууд энэхүү гэрээ болон Монгол Улсын хууль тогтоомжийг зөрчсөн тохиолдолд холбогдох хуулийн дагуу хариуцлага хүлээнэ.


Зургаа. Маргаан шийдвэрлэх тухай

6.1. Энэхүү гэрээтэй холбоотой аливаа маргаан гарсан тохиолдолд талууд хэлэлцээрийн зарчмаар тохиролцоонд хүрэхийг эрмэлзэнэ.

6.2. Дээрх заалтад заасны дагуу тохиролцоонд хүрч чадаагүй тохиолдолд Монгол Улсын хуулийн дагуу шүүхээр шийдвэрлүүлнэ.

Долоо. Бусад зүйл

7.1. Гэрээг 2 хувь үйлдэж, талууд тус бүр нэг хувийг хадгална.



7.2. Хоёр тал бичгээр санал тавьж, харилцан зөвшилцөн энэхүү гэрээнд нэмэлт, өөрчлөлт оруулж болно.


7.3. Гэрээний нэмэлт, өөрчлөлтийг тухай бүрд нь бичгээр үйлдэн Төрийн нарийн бичгийн дарга, үйлдвэрийн газрын захирал нар гарын үсэг зурж, гэрээний эх хувьд хавсаргана.

7.4. Гэрээний аль нэг зүйл, заалт хүчингүй болсон нь гэрээний бусад зүйл, заалтыг биелүүлэхэд саад болохгүй.

7.5. Үйлдвэрийн газар нь гэрээний биелэлтийг хагас, бүтэн жилээр гаргаж тайлагнах бөгөөд дараа оны гэрээ байгуулахаас өмнө гэрээгээр хүлээсэн үүргээ хэрхэн биелүүлсэн талаар яам дүгнэлт гаргаж гэрээг сунгах эсэх асуудлыг шийдвэрлэнэ.


ГЭРЭЭ БАЙГУУЛСАН:

ЗАМ, ТЭЭВРИЙН ХӨГЖЛИЙН ЯАМНЫ
ТӨРИЙН НАРИЙН БИЧГИЙН ДАРГЫН
ҮҮРГИЙГ ТҮР ОРЛОН ГҮЙЦЭТГЭГЧ



Р.МЭРГЭН

“АВТОТЭЭВРИЙН ҮНДЭСНИЙ ТӨВ”
ТӨҮГ-ЫН ЗАХИРАЛ



П.ДЭЛГЭРНАРАН

